

Morning Dogri (NSD) National News Bulletin 18-03-2024

आकाशवाणी

1. नमीं दिल्ली दे भारत-मंडपम च अज्जै थमां स्टार्टअप महाकुंभ शुरू होआ करदा ऐ।
2. प्रधानमंत्री नरेन्द्र मोदी होर अज्ज तेलंगाना दे जगतियाल च विजय संकल्प जनसभा गी संबोधत करगंन।
3. प्रवर्तन निदेशालय नै दिल्ली जल बोर्ड च बेजाब्तगिएं कन्नै जुड़े दे धनशोधन मामले च दिल्ली दे मुख्मन्त्री अरविंद केजरीवाल होरें गी समन जारी करियै पुच्छ-गिच्छ लेई सद्देआ ऐ।
4. राष्ट्रीय परीक्षा अर्जेसी एनटीए 15 कशा 31 मई दरान सीयूईटी दे अंडर ग्रैजुएट कोर्सें च दाखले लेई मतेयान आयोजित करोग।
5. रूस दे राष्ट्रपति ब्लादिमीर पुतिन होरें 5में कार्यकाल लेई होए दे राष्ट्रपति चुनां च ऐतिहासक जित्त दर्ज कीती ऐ।
6. महिला प्रीमियर लीग क्रिकेट दा खताबी मैच कल रॉयल चैलेंजर्स बेंगलोर नै दिल्ली कैपिटल्स गी हराइयै जित्ती लैता ऐ।

<><><><><><>

Start Up

स्टार्ट अप महाकुंभ अज्जै थमां नमीं दिल्ली दे भारत मंडपम च शुरू होग। एह कार्यक्रम 20 मार्च तगर चलोग। इस आयोजन च बक्ख-बक्ख स्टार्टअप्स दे बक्खरे-बक्खरे पैविलियन होंगन जिंदे च आर्टिफिशल इंटैलीजेंस, बी2बी, एग्रीटेक, डीपटेक, क्लाइमेंट-टैक, गेमिंग, ई-स्पोर्ट्स ते फिटटैक जनेह नेकां खास पैविलियन शामिल होंगन। इस महाकुंभ दा मकसद पूंजीपतिएं ते निवेशकें गी भारती बपार कन्नै जोड़ना ऐ। कल नमीं दिल्ली च संवाददाता सम्मेलन च बोलदे होई डीपीआईआईटी दे सचिव राजेश कुमार सिंह होरें आकखेआ जे भारत त्रिया सब्बनें शा बड्डा स्टार्टअप तंत्र आला मुख्म ए ते नमें स्टार्टअप्स दी इस सूचि च हर रोज मती गिनतरी च बाद्धा होआ'रदा ऐ। श्री सिंह होरें आकखेआ जे इस कार्यक्रम च प्रधानमंत्री हुंदे शामिल होने दी मेद ऐ। इस स्टार्टअप महाकुंभ च दो जहार थमां मते स्टार्टअप,

ज्हारां बद्धे निवेशक, 30 ज्हार उद्यमी बनने दी इच्छा रखने आले ते विश्व सतह दे प्रतिनिधि मंडपम च हिस्सा लेंगन।

<><><><><><>

PM-Telangana

तेलंगाना दे जगतियाल दे गीता विद्यालय मैदान च बीजेपी दे वरिष्ठ नेता ते प्रधानमंत्री नरेन्द्र मोदी विजय संकल्प जनसभा गी संबोधत करगंन। इस जनसभा च निजमावाद, करीम नगर ते पेडापल्ली लदेकसभा क्षेत्र थमां भारती जनता पार्टी दे मेदवार बी शामिल होंगन। लोकसभा सदस्य अरविंद धर्मपुरी ते निजामाबाद जिले च पार्टी दे अध्यक्ष के.दिनेश कुमार होरें जनसभा शा पैहले सब्बने तैआरिएं दा जायजा लैता। प्रधानमंत्री मोदी हुंदा पिछले 5एं दिनें च तेलंगाना च एह त्रिया प्रोग्राम ऐ। एहदे शा पैहले उनें देसै दे दक्खनी इलाके च अपने 5एं राज्यें दे दौरे दे हिस्से दे रूपै च मल्काजगिरी च इक बड्डे रोड शो च हिस्सा लैता हा। प्रधानमंत्री होरें दो दिन पैहलें नगर कुर्नूल च विजय संकल्प सभा गी संबोधत कीता हा।

<><><><><><>

Kejriwal

प्रवर्तन निदेशालय नै दिल्ली जल बोर्ड च बेजाबतगिएं कन्नै जुड़े दे धनशोधन मामले च दिल्ली दे मुख्मन्त्री अरविंद केजरीवाल होरें गी समन जारी करियै अज्ज पुच्छ-गिच्छ लेई सददेआ ऐ। श्री केजरीवाल होरें गी धनशोधन निवारण अधिनियम-पीएमएलए तैह्त ब्यान दर्ज कराने लेई बी आकखेआ गोआ ऐ। पीएमएलए तैह्त एह दुआ मामला ऐ जेहदे च श्री केजरीवाल होरें गी समन जारी कीता गोआ ऐ। निदेशालय दिल्ली आबकारी नीति कन्नै जुड़े दे धनशोधन मामले च पुच्छ-पड़ताल लेई उनेंगी पैहलें बी समन भेजी चुकी दी ऐ। श्री केजरीवाल निदेशालय दे 8एं सम्मनें गी गैर कनूनी आखियै टाली चुके दे न। निदेशालय च 9मीं बारी समन जारी करियै उनेंगी 21 मार्च गी पेश होने लेई आकखेआ ऐ। दिल्ली जल बोर्ड मामले च निदेशालय दा आरोप ऐ जे इस विभाग दे इक अनुबंध च भ्रष्टाचार राएं हासल रिश्वत दी रकम आम आदमी पार्टी दे चुनां कोष पाई दित्ती गई ही। पिछले म्हीने निदेशालय नै श्री केजरीवाल दे निजी सहायक विभव कुमार राज्यसभा सांसद एन.डी.गुप्ता, बोर्ड दे साबका सदस्य शलभ कुमार, चार्टर्ड अकाउंटेंट पंकज मंगल ते किश दुए ठकानें पर छापेमारी कीती ही। केन्द्रीय अन्वेषण ब्यूरो सीबीआई दी प्राथमिकी च दोष लाया गोदा ऐ जे बोर्ड दे

साबका मुख् इञ्जीनियर जगदीश कुमार अरोड़ा नै 38 करोड़ रुपें दा इक अनुबंध एनकेजी इनफ्रास्टक्चर लिमिटेड कंपनी गी दित्ता जेहड़ी तकनीकी रूप कन्नै योग्य नेई ही। निदेशालय नै इस बारे जनवरी म्हीने इस मामले च चीफ इञ्जीनियर जगदीश कुमार अरोड़ा ते इक ठेकेदार अनिल कुमार अग्रवाल गी गिरफ्तार कीता हा।

<><><><><><>

NTA CUET

राष्ट्रीय परीक्षण अजेंसी एनटीए 15 कोला 31 मई दरान सीयूईटी-दे अंडर ग्रैजुएट कोर्सें च दाखले लेई मतेयान आयोजित करोग। इस अरसे दरान दऊं तरीकां 20 ते 25 मई गी आम चुनां आली तरीक आवा करदी ऐ। यूनिवर्सिटी ग्रांट कमीशन यूजीसी दे अध्यक्ष एम.जगदीश कुमार होरें इस बारे इक सोशल मीडिया पोस्ट च आक्खेआ ऐ जे 26 मार्च गी दरखास्त भरने दी खीरी तरीक दे बाद सीयूईटी- अंडर ग्रैजुएट लेई दर्ज विद्यार्थिं दी गिनतरी ते डेटा दे बारे च पता लग्गी जाग। उनें आक्खेआ जे इस डेटा ते चुनां दिएं तरीकें गी ध्यानै च रखदे होई एनटीए 15 कोला 31 मई दे मझाटै सीयूईटी-यू-जी मतेयानें दिएं तरीकें दी घोषणा करोग।

<><><><><><>

Putin

रूस दे राष्ट्रपति ब्लादिमीर पुतिन होरें 5में कार्जकाल लेई होए दे राष्ट्रपति चुनां च ऐतिहासक जित्त दर्ज कीती ऐ। उनें इसी देश दा उंदे पर बसाह भरोसा ते आसें मेदें दा प्रतीक करार दिंदे होई इस जित्त गी स्वीकार कीता ऐ। 80 प्रतिशत प्रांते दी निगरानी च उनेंगी 87 प्रतिशत वोट हासल होए न। एहदे कन्नै गै पुतिन होर, होर 6एं ब'रे लेई रूस दे राष्ट्रपति रौंहगन। उत्थूं दे निर्वाचन अधिकारिं आक्खेआ ऐ जे होरने मेदवारें गी 5 प्रतिशत कोला बी घट्ट वोट हासल होए न। राष्ट्रपति चुनां च कम्यूनिस्ट मेदवार निकोलाई खारी तोनोव दूई थाहरै पर ते नमें मेदवार ब्लादिस्लाव दावानकोव त्रीह थाहरै पर रेह। इस जित्त दे कन्नै गै पुतिन जोसेफ स्टालिन गी पिच्छे छोड़दे होई रूस च सब्बने शा मते समें तगर राष्ट्रपति दे रूपै च अपनियां सेवा देने आले सब्बने श सशस्त्र नेता बनी गे न।

<><><><><><>

WPL

महिला प्रीमियर लीग क्रिकेट दे फाइनल मकाबले च जंदी रातीं रॉयल चैलेंजर्स बेंगलोर नै दिल्ली कैपिटल्स गी हराइयै अपना पैह्ला डब्ल्यूपीएल खताब जित्ती लैता ऐ। दिल्ली दी टीम नै बेंगलोर गी जित्त लेई 114 रंज दा लक्ष्य दित्ता हा जेह्दे परते च बेंगलोर नै 19 ओवरें ते 3 गेंदें च शड़ियां दऊं विकेटां मोआइयै जित्त अपने नां करी लैती। बेंगलोर लेई सोफी डिवाइन नै 32, कप्तान स्मृति मंधाना नै 31 ते एलिस पैरी नै नाबाद 35 रंज दी पारी खेड्डी। एह्दे शा पैहले नमीं दिल्ली दे अरुण जेटली स्टेडियम च दिल्ली कैपिटल्स दी पूरी टीम 19 ओवरें च 113 रंज बनाइयै आउट होई गई। बेंगलोर दी तरफा सोफी मोलिन्यू नै त्रै विकेटां हासल कीतियां जिसलै जे श्रेयकां पाटिल ते आशा सोभना नै दिल्ली दे 2-2 खडारी आउट कीते।

<><><><><><>

PM-Rally

भारतीय चुनां आयोग आस्सेआ चुनां कार्यक्रम दी घोषणा दे बाद थमां गै मुल्खै च चुनां प्रक्रिया शुरू होई चुकी दी ऐ जे सियासी पार्टिएं रैलिएं दा आयोजन शुरू करी दित्ते दा ऐ। प्रधानमंत्री नरेन्द्र मोदी होरें कल आंध्रप्रदेश दे पालनाडू च एनडीए दी चुनां रैली गी संबोधत कीता। उनें आक्खेआ जे एनडीए गठबंधन क्षेत्रीय आसें तांगें ते राष्ट्रीय विकास गी लेइयै अगड़े बधै करदा ऐ ते एह्दा मकसद विकसित भारत लेई विकसित आंध्रप्रदेश बनाना ऐ। उनें आक्खेआ जे आंध्रप्रदेश च बीजेपी दी डबल इंज नदी सरकार औने कन्नै इत्थें होर बी विकास होग। उनें आक्खेआ जे सरकार करसानें दिएं निक्की-निक्की जरूरतें पर बी ध्यान देआ'रदी ऐ ते प्रधानमंत्री किसान सम्मान निधि योजना तैहत इस क्षेत्र दे करसानें गी 700 करोड़ रुपे कोला मती रकम उपलब्ध कराई जाई चुकी दी ऐ। मोदी होरें आंध्रप्रदेश दे गौरव दा नरादर करने पर कांग्रेस दी खरी नुख्ताचीनी कीती। तेलगूदेशम पार्टी दे प्रमुख एन. चन्द्रबाबू नायडू, जनसेना पार्टी दे प्रमुख पवन कल्याण ते त्रौनें पार्टिएं दे केई होर नेता बी रैलिएं च मजूद हे।

<><><><><><>

INDI Allaiance Rally

कांग्रेस दे नेता राहुल गांधी होरें केन्द्र सरकार पर अस्सल मुद्दें परा आम लोकें दा ध्यान भटकाने दा दोष लांदे होइ आक्खेआ ऐ जे मुखे च बेरोजगारी, मेंहूगाई, हिंसा, नफरत, करसानें दे मुद्दें, अग्निवीरें दे मसलें जनेए मुद्दें गी उजागर करने लेई उनेंगी भारत जोड़ो यात्रा करनी पेई ही की जे मीडिया इनें मुद्दें गी नजर अंदाज करा करदा ऐ। कल मुंबई दे शिवाजी पार्क च I.N.D.I गठबंधन दी इक रैली गी संबोधत करदे होई उनें दोष लाया जे एनडीए सरकार कंपनिएं आस्सेआ करसानें गी बनकदा मुआवजा नेई दोआई सकी, चुनावी बांड इक चाल्ली दी राष्ट्रीय हफ्ता वसूली ऐ, ते बीजेपी दी जित्त दा इक मात्र कारण ईवीएम ऐ। षष्ठकण्ठ गठबंधन दे प्रमुख नेताएं च एनसीपी दे शरद चन्द्र पवार, शिव सेना यूबीटी दे उद्वव ठाकरे, डीएमके प्रमुख एम.के.स्टालिन, जेएमएम नेता चंपई सोरेन, राष्ट्रीय जनता दल दे तेजस्वी यादव, नैशनल कांफ्रेंस दे डॉ. फारुक अबदुल्ला शामिल न। रैली च फारुक अब्दुल्ला, पीडीपी अध्यक्ष महबूबा मुफ्ती ते आम आदमी पार्टी दे सौरभ भारद्वाज बी मजूद हे।

<><><><><><>

CBI

पच्छिम बंगाल च शाहजंहा शेख दे भ्राह् शेख आलमगीर गी 5 जनवरी गी ईडी दे अधिकारिएं पर होए दे हमले दी साजश रचने च शामिल होने दे आरोप दे चलदे कल सीबीआई दी 5एं दिनें दी रमांड पर भेजी दित्ता ऐ। आलमगीर दे वकील राजा भौमिक नै दस्सेआ ऐ जे आलमगीर लेई 14 दिनें दी पुलस हिरासत मंगी गई ही पर सुनवाई दे बाद अदालतै 5 दिनें दी सीबीआई हिरासत दी इजाजत दित्ती ऐ। सीबीआई नै संदेशखाली दे रसूखदार नेता शेख शाहजहां दे भ्राह् शेख आलमगीर ते दरुं होरने गी ईडी दे अफसरें पर हमले आले मामले च अतरू गिरफ्तार कीता हा। गिरफ्तार कीते गेदें च दीदारबख्श मौला, फारुक अकुंजी ते जियाउद्दीन मौला शामिल न।

<><><><><><>

Holi Laddu Maar

होली कोला इक हफ्ते कोला बी पैहले ब्रज च 10एं दिनें दा होली उत्सव शुरू होइ गेदा ऐ। एहदी शुरूआत कल बरसाना दी महशूर लड्डू मार होली कन्नै होई भक्तें श्रीजी मंदर च लम्भियां-लम्भियां रिंगा लाई दियां हियां जिसलै जे पुजारिएं मंदरै दी छत्तै परा लड्डुएं दी बछार कीती। पुजारी लड्डू छंड करा'रदे हे ते श्रद्धालुएं उनेंगी फड़ियै होरने पर मारने गी बलगा'रदे हे। बरसाना ग्रां च लड्डू मार होली दे बाद लठमार होली शुरू होग जेहदे च

हिससा लैने लेई मगुरा थमां मर्द इस विशेष आयोजन च शिरकत करने लेई बरसाना आँदे न ते महिला खेड्डै खेड्डै च उंदे पर लाठियां बरसांदियां न। ऐकती होली 25 मार्च गी मुल्ख भरै च मनाई जाग।

<><><><><><>